

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

Dominica IV. post Trinitatis

344

Sicut igitur universa natura de beneficentia prædicat, & omnes facultates suas homini communicat, sic & nos munificientiae operam demus, ut spreto Mammona cogitemus. Deum nos dispensatores terrenarum facultatum constituisse, ut easdem ad ejus voluntatem administremus, Luc. 16. v. 1. Sed & Dei voluntas est, ut proximo laboranti succurramus, ejusque in opia inde sublevemus. Et quidni illud faceremus? cum non de nostro sed Dei benedictione idem erogemus, ut David confitetur, 1. Paral. 29. v. 14.

Hoc si agnoscere nolimus, Deus aurum & argentum, frumentum, vinum & oleum suum sumere potest, Os. 2. v. 9, sicut de Sodomititis legimus, quod illis fuerit saturitas panis, & felicitas tranquillitatis: quia verò

manum ego & pauperi non porrexunt, Ezech. 16. v. 50. Deus subvertit civitates regionis illius, & univerlam terram, Gen. 19. v. 25.

Optimum igitur erit, ut is, quem Deus terrenis opibus cumulavit, derivet in plateas rivulos aquarum, Prov. 5. v. 16. & necessitatibus Sanctorum communicet, Roman. 13. v. 13. Talis enim mutuò dat Domino, qui retributionem suam reddet ei, hic & in aeternum, Psal. 41. v. 14, seqq. Bonum igitur facientes non defatigemur: tempore enim suo metemus non delassati, Psal. 41. v. 1. seqq. nempe aeternam gloriam & salutem, quam nobis DEUS ex gratia largiri dignetur, per & propter Christum,

Amen.

DOMINICA V. POST TRINIT.

Evangelium Luc. 5. v. 1 - II.

EXORDIUM.

Israelitas olim agnos anniculos immaculatos, duos quotidiè in holocaustum sempiternum Deo offerre oportuit, unum manè, & alterum ad vespertum, Num. 28. v. 4.

Hoc ipso mysticè innuitur, quod non modò diem cum Deo inchoare, cumque eodem finire debeamus: sed eo ipso respicitur *labor vocationis nostra*, & omne propositum sub Sole, ubi Dei auxilio, & adstantiā maximè opus est, si feliciter succedere debeat. Cor enim hominis disponit viam suam: sed Domini est, dirigere gressus ejus, Prov. 16. v. 9.

Inveniuntur homines temerarii, qui patrum de Deo & precibus solliciti sunt, sed quando manè evigilant & surgunt, illotis quasi manibus ad operas vocationis transiunt, vel etiam talia perpetrant, quæ neque coram Deo, nec honesto mundo excusare possunt, ideoque benedictione carent, & omnia quæ incipiunt, in maledictione sunt, Mal. 3. v. 92.

Qui Deo dediti sunt impietatem hujusmodi fugiant, omne, quodcunque faciunt, in verbo, aut in opere, in nomine Domini nostri IESU Christi facientes, Colos. 3. v. 17.

A Jove

A Jove fac orsum, ne serpens det tibi
morsum.

Dante enim illo colligimus: aperiente illo
manum suam, satiamur bonis. Abscondente
autem illo faciem, turbabimur: auferet
Spiritum nostrum & deficiemus, & in pul-
verem nostrum revertemur, Psal. 104.
v. 28. 29.

Eò quoque ablegat nos prælecta Peri-
cope, quando Petrum rectè intuemur,
qui profectò totam noctem frustrà labo-
raverat. Verùm ubi in verbo Christi laxa-
vit rete, tám copiosam conclusit piscium
multitudinem, ut ambas naviculas imple-
verit, ut prælecta historia testatur.

Videbimus

- I. *Tripliçem Querelam.*
- II. *Tripliçem Medelam.*
- III. *Tripliçem Cautelam.*

JJ.

Exegesis.

MAgnes ille Dei amicus Moses, ex ex-
perienciâ vitam humanam ita de-
scripsit, quod nihil aliud illa sit, quam *labor*
& *dolor*, Psal. 90. v. 11.

Id quod nemo omnium inficiabitur. In
labore enim & dolore nascimur, primam
vocab emittimus plorantes, Sap. 7. v. 4.
In labore & dolore vivimus, sicut dies
mercenarii sunt dies nostri, Job. 7. v. 1. in
labore & dolore morimur, non enim cum
risu, duo illi amici, anima & corpus divel-
luntur; unde non immerito mors amara
dicitur, Sir. 41. v. 1.

Intuentes Perrum in prælectâ Pericope
in eo quoque verificari videmus, quod
Moses de vita humana pronunciavit, per

totam enim noctem cum navicula sua in
mari navigaverat, & hoc non sine labore,
frustraneo tamen. Deinde ubi conclu-
dit p̄scium multicudinem copiosam, hæc
fortuna annata est, ut rumpatur rete, & na-
viculæ submergantur. Quin & in ma-
gnam animi perturbationem conjicitur,
ratione peccatorum commissorum, ut
Christo quasi abjecto, dicat: Exi à me,
quia homo peccator sum, Domine.

Querela respicit

I. *Vanum in acquirendo labore,* de quo
hic Petrus conqueritur, inquiens: Præ-
ceptor, per totam noctem laborantes nihil
cepimus. Hæc antiqua illa cantilena est,
quam hodie tenus multi Patres familias in
labore & dolore ingeminare coguntur.
Tempora enim difficultia sunt, & licet cum
Petro totam noctem labore, attamen ni-
hil rete retinet, ita ut vix tantum compara-
re possit, quantum ad quotidianam sus-
tentationem opus est. Hinc nonnulli an-
sam arripunt, nocte pescari, h.e. variis tech-
nici uti, & undecunque etiam ex malo ac-
quirunt, Sap. 15. v. 12. Verùm infelici cum
succesu: technæ enim hujusmodi ayo-
lant in cœlum, Prov. 23. v. 4. & maledi-
ctionem post se trahunt, ut tandem panis
mendacii implet eorum os calculo, Prov.
20. v. 17.

Alii quidem in numerum impiorum re-
ferendi non sunt, sed frequentant tem-
plum, orationi vacant, & qua Christianos
debet, faciunt, & tamen res familiaris
eorum claudicat, sicuti multi pauperes
fuerunt, quorum tamen saluti id minimè
obfuit, causam reddit Salomo, dicens: Di-
ves & pauper obviaverunt sibi, Prov. 22.
v. 2.